

## El la estraro de Germana Esperanto-Asocio

Kutime la estraro de Germana Esperanto-Asocio (GEA) multajn malgrandajn aferojn traktas kaj decidas korespondante en la reto. Sed foje rekta buŝa interŝanĝo de opinioj estas grava, por klarigi pli komplikajn problemojn. Kiel anoncote, la GEA-estraro sekvis la inviton de Germana Esperanto-Junularo (GEJ), veni al ties jubilea aranĝo, nome al la 50a Internacia Seminario (IS) (vidu apartan artikolon) en la kastelo Wewelsburg ĉe Paderborn. La 28an de decembro do ses estraranoj (mankis Alois Eder kaj d-ro Rainer Kurz) konferencis, unue kun la GEJ-estraro kune.

### Membroadministrado

Jörg Gersonde deklaris, plufari la membro-administradon. GEA celas transpreni la datumbankan sistemon de GEJ, por kio necesos kelkaj adaptaj kaj la proceduro transporti la datumojn en la novan sistemon. Fine ĉiu elektita GEA-postenulo rajtu vidi la datumojn ĉe si hejme, ĉar ili estos sur centra servilo, dum nur tre malmultaj havos la rajton, ankaŭ ŝanĝi ion. Fine la datum-interŝanĝo kun la administra sistemo de GEJ estos pli facila kaj helpos, teni la membrojn en GEA.

### Varbado / publika laboro

Propono, organizi standon fine de februaro en la foiro „didacta“, ne trovis konsenton. Spertintoj raportis, ke lastfoje venis nur lernejoj sen intereso kaj arogantaj instruistoj. Por tio la elspezoj de ĉ. 2.000 EUR povos esti aliloke pli bone investataj. Estas pli sukcespromese, koncentri sin al unuopaj lernejoj kaj instruistoj, kion la Asocio de Germanaj Esperanto-Instruistoj alstrebas kaj kio jam okazas sukcese en Herzberg, la Esperanto-urbo. Andreas Emmerich kaj Sebastian Kirf verkis la malneton de tekstoj por la planataj novaj varbaj faldfolioj. Entute estos sep, kaj ili havas diversajn cel(grup)ojn. Krom baza (1) informilo ekzistu alia kun (2) la uz-ebloj de Esperanto. Tria turnos sin al (3) vojaĝemuloj, kvara prezentos la (4) Esperan-

to-kulturon. Du pliaj klarigas la lingvan strukturon, unu (5) en pli simpla lingvo, alia (6) en pli faka lingvo. La lasta pritraktu la temon (7) lingvo-politiko. Per tiu fasko da temoj GEA volas vekti la intereson de homoj kun diversaj intereso kaj individue alparoli ilin.

Kadre de la Printempa Semajno Internacia (PSI) en Bonn okazos kampanjo por novaj GEJ-membroj sub-18-jaraj; gvidos Leo Sakaguchi. Tio estos plia kunlaboro inter GEA kaj GEJ.

### Esperanto-Centro Herzberg

Ekde la 1a de novembro laboras tie por tri monatoj kiel volontulo Dirk Bindmann, kiu sendis detalan raporton al la estrarkunsido. GEA promesis, dum tiu tempo pagi la elspezojn. Ekde januaro Herzberg dungis proprakoste jam plian helpanton.

### Pri nova GEA-oficejo en Berlino



Paul Ebermann, sekretario de GEJ, kiu ankaŭ multe faras por GEA en Berlin.

Foto: Rudolf Fischer

GEA intencas, pli intense esti reprezentata en Berlin. Momente tie nur ekzistas leterkesto en la domo en Einbecker Straße. Paul Ebermann zorgas dankinde por la malmulta paperpoŝto respondenda. Sed GEA ŝatus havi tutan oficejon apud tiu de GEJ kaj por tio ankaŭ serĉas plian dungiton. Nur per novaj homfortoj kaj organizaj kapabloj valoras, organizi pli vastajn varbokampanjojn; ĉar kiom utilas provokitaj kelkcent informpetoj, se ne ekzistas la eblo respondi ilin? Momente tamen tiuj planoj devas esti prokrastitaj, ĉar unue la domo devos esti finpreparita (vidu apartan artikolon).

### Kontrakto kun Ukraina Societo „Espero“

GEA subskribis kontrakton kun la Ukraina Societo „Espero“, gvidata de Mikaelo Lineckij. La lasta estas jam bone konata, daŭre zorgante por tio, ke Esperantistaj junulaj kaj infanaj grupoj el Ukrainujo vizitas Germanajn aranĝojn, precipe PSIon. La kontrakto oficialigu kaj tiel subtenu la reciprokunlaboron.

### Novaj kandidatoj por la GEA-estraro

Ĝojiga novaĵo estas, ke dum la Germana Esperanto-Kongreso en Hamburgo prezentos sin du novaj kandidatoj por la GEA-estraro. La unua estas Wolfgang Bohr, kiu dum multaj jaroj gvidis la organizan teamon por PSI kaj kiu estas ankaŭ jam prezidanto de la landa ligo de Rejnlando-Palatinato. Li transprenos la taskon, plivigli kaj inviti la konsilantaron. La dua estas Sebastian Kirf (vidu supre), kiu zorgos por inform-materialo. Ili prezentos sin ambaŭ en la sekvanta eldono de *Esperanto aktuell*. Samtempe Alois Eder retiriĝos el la estraro por koncentri sin al la Baden-Virtemberga Esperanto-Ligo kaj al Esperantaj artikoloj en la Vikipedio. Carsten Mischke deklaris sin preta, zorgi kiel komisiito dum la Germana Esperanto-Kongreso por la amaskomunikila laboro.

### Ŝanĝoj en la GEJ-estraro

Dum la membrokunveno de GEJ en Wewelsburg okazis ankaŭ estraraj elektoj. Andreas Diemel restis prezidanto, Anna Posingies trezoristo, Paul Ebermann sekretario. De Anna-Laura Wickström transprenis Julia Hell la fakon „internaciaj rilatoj“. Anstataŭ Julia Noe zorgos nun Leo Sakaguchi por la lokaj grupoj kaj ankaŭ por la kampanjo „Sub\_18“ (vidu supre). Por Martin Sawitzki, kiu gvidis la organizan teamon de IS eĉ troviĝis sperta posteulo el Britujo, nome Rolf Fantom. GEJ ankaŭ havas novan komisiiton por sia revuo „kune“: estas Luisa Rund, kiu transprenis la postenon de Stefanie Hanisch.

Rudolf Fischer